

Thawj Tsavxwm Kev Ua Tsaug

Kuv thov ua tsaug rau txhua tus uas siv nej lub sijhawm tuaj koom HKM lub rooj sablaj xyoo no.

Ua tsaug rau pawg ntseeg Hmong American Alliance Church thiab St. Paul Hmong Alliance Church uas nej tau npaj zaub mov tos txais pub rau peb cov uas tuaj koom HKM rooj sablaj tau los noj.

Ua tsaug rau Xf. Num Xaab thiab pawg ntseeg Hmong Community Alliance Church uas tau pab HKM load thiab unload khoom.

Ua tsaug rau Kl. Caiv Kub Koo, N. Caiv Kub Koo, N. Laj Vis Hawj, N. Txawj Ci Lis, Nxf. Txawj Tooj Hawj, N. Ntsum Lis Koo, N. Ntxhoo Tuam Thoj, Kl. Txawj Npis Hawj, thiab Kl. Num Lab Vaaj uas nej tau donate nej lub time thiab pab npaj daim banner nrog rau stage decorations rau HKM lub rooj sablaj txwmxyoo zaum no.

Kx. Nom Lwm Kwm
Thawj Tsavwm HKM
12287 Pennsylvania St.
Thornton, CO 80241
303-252-1793

Yog Vajtswv tus Ntsujplig nyob hauv nej lub siab, nej yeej tsis ua raws li nej lub siab qub qhia nej, tiamsis nej ua raws li Vaj Ntsujplig qhia nej..., Efexaus 5:20.

Rooj Sablaj Txwm Xyoo

Back to The Word

"Back to the Word" yog lub ntsiab lus rau lub rooj sablaj xyoo no. Xyoo no xav kom cov ntseeg rov mus xyaum coj lubneej raws li Vajtswv Txojlus qhia. Yam twg uas cuamtshuam Vajtswv Txojlus lawm, peb yuav tau muab tso tseg, tsis hais kev tswjhwmm ntawm pawg ntseeg, kev ua neej ntawm lub cuab lub yig, lossis kev ua Vajtswv haujlwm.

Cov Tsavxwm Tshiab

Kev xaiv tsa cov Tsavxwm ntawm HKM xyoo no txawv dua txhua zaus uas peb muaj, vim yog thawj zaug uas xaiv tau ib tug xibhwb los ua tus teev ntawv uas yog Xh. Tswv Tub Vwj. Dua li ntawd, 3 tug Tsavxwm yog Kx. Num Tuam Vaaj, Dr. Nyaj Npis Hawj, thiab Dr. Vaam Txoov Yaaj. Lawv plaub leeg no yuav los pib ua haujlwm txij lub 1 hlis ntuj xyoo 2007 mus.

Thawj niamtsev yog tau rau Niam Kx. Num Huas Muas, thiab Thawj Txivtsev yog Xf. Txaj Tswb Yaaj.

Kev Fij Nyiaj

Ua Vajtswv tsaug uas xyoo no cov ntseeg pab nyiaj ntau heev. Cov Tsavxwm npaj siab hais tias yuav tsis thov nyiaj ntawm cov ntseeg li, cia sawvdaws muab li uas Vajtswv ua haujlwm ntawm lawv lub siab xwb. Ua Vajtswv tsaug uas cov nyiaj pab rau general yog \$12,745.32 thaib cov nyiaj xaa moo zoo yog \$30,537.35. Thov Vajtswv foom koobhmoov rau nej txhua tus.

Kev Hloov HKM

Xyoo no lub rooj sablaj pom zoo kom rhais HKM lub chaw ua haujlwm mus nyob rau Twin Cities, MN. Thiab pom zoo kom rov los kho phau Vajlugkub dua tshiab kom zoo dua qhov qub. Tsis tas li ntawd xwb, lub rooj sablaj tseem pom zoo kom cia tus DMD nyob li qub, tsua hloov tus Youth Director mus ua tus tsis them nyiaj hlis lawm xwb. Ntawm \$1.00 tuaj ib tug tswvcuab thiab 30% ntawm phab kev kawm Hnubkaj los yuav tso tseg.



Hloov Haujlwm Ntawm HKM

Church Growth Director

Kx. Vaam Tub Hawj uas yog tus saib phab kev tsimtsa pawgntseeg ntawm HKM tau hloov haujlwm mus ua xibhwb rau pawgntseeg Hmong New Hope Alliance Church, Auburn, GA txij li lub 9 hlis no mus lawm. HKM tseem yuav nrhiav ib tug los ua tes haujlwm no thiab yuav pib haujlwm rau lub 1 hlis xyoo 2007.

CLA Director

Kx. Vaam Choj Lis tus saib phab kev Cob Qhia Thawjcoj tau mus ua xibhwb rau pawgntseeg Grace Hmong Alliance

Church, Milwaukee, WI txij li lub 8 hli no lawm. HKM li mam nrhiav ib tug los ua tes haujlwm no lub 1 hlis xyoo 2007. Tamsim no Kx. Vaam Choj tseem ua tus saib tes haujlwm no mus txog lub 12 hlis ntuj tag. Yog leejtwg muaj lus nug txog CLA kom hu rau Kx. Vaam Choj tau.

Secretary To DS

Cov Tsavxwm pom zoo kom Niam Txooj Xyooob ua tus office manger rau HKM thiab ua Thawj Tsavxwm tus secretary lawm xwb. Yog thaum twg muaj nyiaj yuav tau ndiav dua ib tug los ua tus receptionist thiab pab ua secretary rau lwm phab department.

Xibhwb Tshiab/Hloov

1. Kx. Num Huas Muas so ntawm pawg ntseeg First Hmong Hmong Alliance Church, Hickory, NC thaus lub 5 hlis tag thiab mus ua xibhwb rau pawg ntseeg Hmong Alliance Church, Salem, OR txij li lub 6 hli.
2. Xf. Num Xaab Vaaj so ntawm pawg ntseeg Hmong Community Alliance Church, Brooklyn Center, MN txij li lub 6 hli hnuvntim 30 thiab rov mus kawm ntawv ntxiv.
3. Xf. Ntsum Txooob Yaaj so tsis ua xibhwb rau pawg ntseeg Calvary Alliance Church, St. Paul, MN txij li lub 6 hli tag. Tseem tsis tau txiavtxim siab yuav mus ua dabtsi.
4. Xf. Tsaav Stuvy Yaaj so tsis ua xibhwb rau pawg ntseeg Hmong Alliance Church, Merced, CA txij li lub 6 hli tag thiab yuav rov mus kawm ntawv ntxiv.
5. Kx. Meej Muas so tsis ua xibhwb hluas rau pawg ntseeg Sacramento, CA thaus lub 6 hli hnuvntim 11 thiab yuav mus ua xibhwb tsimtsa pawgntseeg rau pawgntseeg St. Paul Hmong Alliance Church, Maplewood, MN pib lub 9 hli mus.
6. Xf. Nom Npis Xyooj mus ua xibhwb rau pawg ntseeg DFW Hmong Alliance Church, Arlington, TX thiab yuav pib ua haujlwm thaus lub 8 hli mus.
7. Kx. Xaiv Npis Thoj tau los ua xibhwb rau HKM thiab pib ua xibhwb rau pawgntseeg Gospel Alliance Church, St. Paul, MN txij lub 6 hli mus.
8. Kx. Txawj Teeb Vaj mus ua xibhwb rau pawgntseeg Modesto, CA txij li lub 8 hli.
9. Kx. Ntxooob Xeeb Yaaj so tsis ua xibhwb rau pawg ntseeg Grace Hmong Alliance Church thaus lub 6 hlis hnuvntim 18 thiab nws npaj siab retired lawm.
10. Xf. David Vaaj mus ua xibhwb hluas rau pawg ntseeg The New Life Hmong Alliance Church, Milwaukee, WI txij li thaus lub 6 hli.

Missions

Raws li peb sawvdaws paub thiab ntseeg, kev xa moo zoo yog ib tes haujlwm uas pawg ntseeg yuav tau ua mus kom txog hnuvntim ua Tswv Yexus rov los.

Muaj ob peb yam uas peb ua tau pab rau tes haujlwm no uas yog:

1. Npaj muaj lub rooj txhawb nqa kev xa moo zoo. Ohov no yuav ua rau peb cov ntseeg muaj lub sijhawm los thov Vajtswv pab rau kev xa moo zoo thiab cog lus pab nyiaj GCF mus xa moo zoo. Lub 8 hlis no mus rau lub 12 hlis yog Fall Missions Conference. Thov txhua pawgntseeg npaj nej cov rooj xa moo zoo kom zoo thiaj pab tau cov ntseeg. Nco ntsoov npaj programs rau cov hluas thiab menyuam yau huv tibi.

2. Mus xyuas cov tub xa moo zoo tej haujlwm. Yog nej tej pawg ntseeg xav mus ua mission projects, thov qhia rau HKM paub, HKM muaj tus yuav pab nej rau cov haujlwm no. Kx. Ntsuab Pov yog tus short-term mission coordinator, nws txaus siab yuav pab nej.

Kx. Ntsuab Pov Hawj
717-656-0565
leolahmong@hotmail.com



12287 Pennsylvania St.
Thornton, CO 80241
Phone: 303-252-1793
Fax: 303-252-7911
E-Mail:
tlkue@hmongdistrict.org

Clergy Appreciation

Nco ntsoov lub 10 hlis yog kev nco txog xibhwb txiaj ntsim. Xav kom nej siv sijhawm los npaj ua kev txhawb zog rau nej tus xibhwb thiab nws tsevneeg.

HLUB 2006

Hlub txhua zaus muaj cov hluas tuaj koom coob zuzjus. Xyoo no muaj tas nrho yog 3,360 leej. Cov hluas uas tuaj xyoo no yog ib cov hluas uas tsim nyog peb yuav tau ua Vajtswv rau lawv lub neej, vim lawv mloog lus heev. Tau tsib hnuv uas kuv saib lawv lubneej uas tuaj nyob ntawm lub rooj txhawbsiab no, kuv pom tau tias lawv muaj tus cwjpw zoo tsis hais tej roos tsho uas lawv hnav lossis lawv tej plaub hau los zoo tsim nyog peb qhuas. Nws yog ibqhov qhia rau peb paub hais tias peb cov tub thiab cov ntxhais yeej yog ib co uas ntseeg Vajtswv zoo tiag.

Kev kawm thiab kev pehawm Vajtswv los mus tau rau qhov zoo. Lawv rau siab kawm heev tsis muaj cov uas tuaj es mus nyob uasi ua dhog ua dig. Sawvdaws kubsiab rau txoj kev kawm thiab kev mloog Vajtswv Txojlus. Cov uas los thov Vajtswv tom qab pehawm Vajtswv thawj hmo muaj coob kawg nkaus li uas yeej tsis muaj chaws txaus rau lawv nyob, lawv tseem nres puv ob txojkev mus txog ndua tom qab. Ua Vajtswv tsaug uas Nws tabtom ua haujlwm rau peb cov hluas lub neej. Muaj ib tug ntxhais uas los thov Vajtswv, nws hais rau kuv tias nws xav mus ua tub xa moo zoo, tiamsis nws niam tsis kam, yog li ntawd, nws thiab kom kuv thov Vajtswv rau nws.

Lub limtiam no nyob rau Missouri mas kub heev, kub tshaj li 100 mas ua rau cov hluas tus puav kuj tsaus muag. Tiamsis ua Vajtswv tsaug uas txhua tus kuj tsis ua cas.

HLUB lwm zaus yuav hloov mus rau xyoo 2009, vim xyoo 2008 yog 30 Xyoo Celabration ntawm HKM mas yuav muaj haujlwm ntau rau cov xibhwb thiab yuav npaj tsi yeej; yog li ntawd, peb thiab tau hloov mus rau 2009. Xyoo no peb yuav npaj kom txaus li 5,000 leej. Xav kom sawvdaws npaj tamsim no mus.

Kx. Nom Lwm Kwm

